

## ÁKVÖRÐUN FRAMKVÆMDASTJÓRNARINNAR

2013/EES/4/21

frá 16. maí 2007

## um samhæft aðgengi að upplýsingum um notkun tíðnirófsins innan Bandalagsins (\*)

(tilkynnt með númeri C(2007) 2085)

(2007/344/EB)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af stofnsáttmála Evrópubandalagsins,

með hliðsjón af ákvörðun Evrópuþingsins og ráðsins nr. 676/2002/EB frá 7. mars 2002 um regluramma um stefnu Evrópubandalagsins varðandi tíðniróf fyrir þráðlausar sendingar (ákvörðun um tíðniróf fyrir þráðlausar sendingar) <sup>(1)</sup>, einkum 3. mgr. 4. gr.,

og að teknu tilliti til eftirfarandi:

- 1) Í ákvörðun nr. 676/2002/EB (ákvörðunin um fjarskipta-tíðnirófið (áður ákvörðunin um tíðniróf fyrir þráðlausar sendingar)) er þess krafist að aðildarríkin tryggja að landsbundið skipulag fjarskiptatíðni og upplýsingar um réttindi, skilyrði, málsmeðferð, gjöld og þóknarir, að því er varðar notkun á fjarskiptatíðnirófinu, skuli birtar, ef við á, í því skyni að uppfylla markmiðið sem sett er í 1. gr. ákvörðunarinnar. Þau skulu halda þessum upplýsingum uppfærðum og gera ráðstafanir til að þróa viðeigandi gagnagrunna í því skyni að koma þessum upplýsingum á framfæri við almenning, þegar við á, í samræmi við viðeigandi ráðstafanir til samhæfingar sem gerðar eru skv. 4. gr. ákvörðunarinnar.
- 2) Rannsókn sem gerð var á vegum framkvæmdastjórnarinnar <sup>(2)</sup> leiddi í ljós, þrátt fyrir fyrri viðleitni, að aðildarríkin koma þessum upplýsingum um notkun tíðnirófsins á framfæri við almenning á misátlegan hátt, á mismunandi sniði og munur er á því hversu auðvelt er að nálgast þær og á tíðni uppfærslna. Slíkur munur kann að hafa áhrif á rekstur fyrirtækja, skipulagningu fjárfestinga og ákvarðanatöku í tengslum við innri markað fyrir vöru og þjónustu auk framleiðslu. Upplýsingar um skilyrði fyrir notkun tíðnirófs geta stutt frekar við þátttöku lítilla og miðlungsstórra fyrirtækja og stutt með óbeinum hætti við sjálfbærna vöxt rafræna fjarskiptaíðnaðarins í heild.
- 3) Aðgengi að viðeigandi upplýsingum er nauðsynlegt í tengslum við betri reglusetningu þar sem afnám óþarfra

takmarkandi ráðstafana og innleiðing viðskipta með réttindi til afnota af tíðnum útheimta skýrar, áreiðanlegar og uppfærðar upplýsingar um raunverulega notkun.

- 4) Ein upplýsingamiðstöð myndi tryggja auðveldan aðgang og notendavæna framsetningu á upplýsingum um tíðniróf í öllu Bandalaginu. Til að ná fram skilvirkni skulu slíkar upplýsingar settar fram á samræmdu sniði með sama innihaldi í öllum aðildarríkjunum og það skal vera hægt að flytja þær úr landsbundnum gagnasöfnum með nútímalegum, sjálfvirkum upplutningsaðferðum svo komast megi hjá þörf fyrir aukinn fjölda starfsmanna til að færa landsbundin gögn inn í eina upplýsingamiðstöð.
- 5) Aðildarríkin og aðilar í greininni eru í grundvallaratriðum sammála um að nota kerfið sem komið var á fót af Evrópuskrifstofu þráðlausra fjarskipta (ERO) <sup>(3)</sup>. Upplýsingakerfi Evrópuskrifstofu þráðlausra fjarskipta um tíðnir (EFIS) er aðgengilegt öllum á Netinu og það gerir kleift að leita að og bera saman opinberar upplýsingar um tíðniróf innan Evrópu hafi landsbundin stjórnvöld hlaðið slíkum upplýsingunum upp. Öll aðildarríkin skulu nota þetta kerfi.
- 6) Framkvæmdastjórnin veitti Samtökum póst- og fjarskiptastjórna í Evrópu umboð dagsett 8. desember 2005 til notkunar á upplýsingakerfi Evrópuskrifstofu þráðlausra fjarskipta um tíðnir (EFIS) til birtingar og aðgangs að tíðnirófsupplýsingum innan Bandalagsins. Samtök póst- og fjarskiptastjórna í Evrópu birtu lokaniðurstöður sínar sem sýndu fram á hagkvæmni þess að nota upplýsingakerfi Evrópuskrifstofu þráðlausra fjarskipta um tíðnir sem sameiginlega upplýsingagátt innan Evrópubandalagsins í samræmi við markmiðin sem kveðið er á um í umboðinu. Nefndin um fjarskiptatíðnirófið tók við lokaskýrslu Samtaka póst- og fjarskiptastjórna í Evrópu þann 5. október 2006 og staðfesti markmiðin sem talin eru upp í umboðinu. Niðurstöður umboðsins skulu gilda í Bandalaginu.
- 7) Evrópsk gátt fyrir tíðnirófsupplýsingar skal ekki koma í stað landsbundinna tíðnirófsagnagrunna heldur vera viðbótargátt sem eykur virði með því að koma á fót einni upplýsingamiðstöð með búnaði til leitar og samanburðar innan Evrópu, sem byggist á upplýsingum sem veittar eru í samræmi við sameiginlegt snið og nákvæmni.

(\*) Þessi EB-gerð birtist í Stjttíð. ESB L 129, 17.5.2007, bls. 67. Hennar var getið í ákvörðun sameiginlegu EES-nefndarinnar nr. 84/2008 frá 4. júlí 2008 um breytingu á XI. viðauka (Fjarskiptapjónusta) við EES-samninginn, sjá *EES-viðbæti við Stjórnartíðindi Evrópusambandsins* nr. 64, 23.10.2008, bls. 11.

<sup>(1)</sup> Stjttíð. EB L 108, 24.4.2002, bls. 1.

<sup>(2)</sup> Rannsókn á upplýsingum um skiptingu, aðgengi að og notkun fjarskiptatíðnirófsins innan Bandalagsins, IDATE, febrúar 2005.

<sup>(3)</sup> Evrópuskrifstofu þráðlausra fjarskipta var komið á fót með samningnum um að koma á fót Evrópuskrifstofu þráðlausra fjarskipta sem undirritaður var í Haag 23. júní 1993.

8) Þegar hefur verið gripið til aðgerða til að samræma framsetningu á forskriftum varðandi skilfleti þráðlausra fjarskipta á vegum nefndarinnar um samræmismat í fjarskiptum og markaðseftirliti (TCAM) sem komið var á fót með tilskipun Evrópuþingsins og ráðsins 1999/5/EB frá 9. mars 1999 um fjarskiptabúnað og endabúnað til fjarskipta og gagnkvæma viðurkenningu á samræmi þeirra <sup>(1)</sup> (R & TTE tilskipunin). Þessi skilyrði eiga við um 5. grein ákvörðunarinnar um fjarskiptatíðnirófið og teljast mikilvægar opinberar upplýsingar sem aðildarríkin skulu gera aðgengilegar í öllum.

9) Tilhögun upplýsingamiðlunar varðandi afnotaréttindi kunna að útheimta sérstakt átak af hálfu aðildarríkjanna en hún skiptir einnig miklu máli fyrir gagnsæja og skilvirka markaðstengda stefnu um tíðniróf. Aðildarríkin kunna að þurfa viðbótartíma til að uppfylla kröfur um að gera þessa tegund upplýsinga aðgengilegar.

10) Tryggja skal öllum hagsmunaaðilum auðveldan aðgang að upplýsingunum með fyrirvara um samræmi við reglur Bandalagsins um viðskiptaleynd, einkum ákvæði tilskipunar Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) <sup>(2)</sup>.

11) Þessi ákvörðun skal koma til framkvæmda og henni beitt í fullu samræmi við meginreglurnar um vernd persónuupplýsinga í samræmi við tilskipun Evrópuþingsins og ráðsins 95/46/EB frá 24. október 1995 um vernd einstaklinga í tengslum við vinnslu persónuupplýsinga og um frjálsa miðlun slíkra upplýsinga <sup>(3)</sup> og í samræmi við tilskipun Evrópuþingsins og ráðsins 2002/58/EB frá 12. júlí 2002 um vinnslu persónuupplýsinga og um verndun einkalífs á sviði rafrænna fjarskipta (tilskipun um friðhelgi einkalífsins og rafræn fjarskipti) <sup>(4)</sup>.

12) Endurskoða skal skilvirkni upplýsingakerfis Evrópuskrifstofu þráðlausra fjarskipta um tíðnir fyrir aðildarríkin og almenning af og til í því skyni að tryggja að markmiðin sem talin eru upp í umboðinu komi til framkvæmda með skilvirkum hætti.

13) Ráðstafanirnar, sem kveðið er á um í þessari ákvörðun, eru í samræmi við álit nefndarinnar um tíðniróf fyrir þráðlausar sendingar.

#### SAMÞYKKT ÁKVÖRÐUN ÞESSA:

##### 1. gr.

Markmiðið með þessari ákvörðun er að samhæfa aðgengi að upplýsingum um notkun fjarskiptatíðnirófsins innan Bandalagsins með sameiginlegri upplýsingamiðstöð og með samhæfingu á sniði og innihaldi slíkra upplýsinga.

##### 2. gr.

Aðildarríkin skulu nota upplýsingakerfi Evrópuskrifstofu þráðlausra fjarskipta um tíðnir sem komið var á fót af Evrópuskrifstofu þráðlausra fjarskipta sem sameiginlega upplýsingamiðstöð í því skyni að gera sambærilegar upplýsingar varðandi notkun tíðnirófsins í hverju aðildarríki fyrir sig aðgengilegar almenningi á Netinu.

##### 3. gr.

1. Aðildarríkin skulu færa eftirfarandi upplýsingar um notkun fjarskiptatíðnirófsins á yfirráðasvæði þeirra inn í upplýsingakerfi Evrópuskrifstofu þráðlausra fjarskipta um tíðnir.

a) fyrir hvert tíðnisvið fyrir sig:

— úthlutanir þjónustu eins og skilgreint er í fjarskiptareglum Alþjóðafjarskiptasambandsins,

— notkunarvið, með hugtökunum sem tiltæk eru í upplýsingakerfi Evrópuskrifstofu þráðlausra fjarskipta um tíðnir,

— forskriftir varðandi skilfleti þráðlausra fjarskipta í samræmi við sniðið í I. viðauka,

— sérstök afnotaréttindi í samræmi við II. viðauka,

b) fyrir notkun fjarskiptatíðnirófsins almennt,

— innlendir tengiliður sem getur svarað fyrirspurnum almennings um hvar finna megi landsbundnar upplýsingar um fjarskiptatíðnirófið sem ekki er að finna í evrópskri gátt fyrir tíðnirófsupplýsingar ásamt upplýsingum um málsmeðferð og skilyrði sem gilda um fyrirhugaðar, landsbundnar úthlutunaraðferðir á afnotarétti,

— ef við á, landsbundin stefna og áætlun um tíðnirófið í formi skýrslu.

<sup>(1)</sup> Stjtið. EB L 91, 7.4.1999, bls. 10. Tilskipunin eins og henni var breytt með reglugerð (EB) nr. 1882/2003 (Stjtið. ESB L 284, 31.10.2003, bls. 1).

<sup>(2)</sup> Stjtið. EB L 108, 24.4.2002, bls. 33.

<sup>(3)</sup> Stjtið. EB L 281, 23.11.1995, bls. 31. Tilskipunin eins og henni var breytt með reglugerð (EB) nr. 1882/2003.

<sup>(4)</sup> Stjtið. EB L 201, 31.7.2002, bls. 37. Tilskipunin eins og henni var breytt með tilskipun 2006/24/EB (Stjtið. ESB L 105, 13.4.2006, bls. 54).

2. Aðildarríkin skulu uppfæra upplýsingarnar sem um getur í 1. mgr. a.m.k. einu sinni á ári til 1. janúar 2010 og tvisvar á ári þaðan í frá. Þetta skal gert með því að færa gögnin handvirkt inn í gegnum Netid eða með sjálfvirkum upphleðslubúnaði þar sem tiltekið snið er notað við gagnaskipti.

*4. gr.*

Aðildarríkin skulu tilkynna framkvæmdastjórninni um það ef þau telja að upplýsingakerfi Evrópuskrifstofu þráðlausra fjarskipta um tíðnir sé ekki lengur fært um að haldi tæknilegri getu, heilleika og áreiðanleika til að réttlæta notkun þess sem sameiginlegrar upplýsingamiðstöðvar.

*5. gr.*

Ákvörðun þessi öðlast gildi 1. janúar 2008.

Tilhögun upplýsingamiðlunar að því er varðar sérstök afnotaréttindi gildir frá og með 1. janúar 2010.

*6. gr.*

Ákvörðun þessari er beint til aðildarríkjanna.

Gjört í Brussel 16. maí 2007.

*Fyrir hönd framkvæmdastjórnarinnar,*

Viviane Reding

*framkvæmdastjóri.*

*I. VIÐAUKI***Snið fyrir forskriftir varðandi skilfleti þráðlausra fjarskipta**

Aðildarríkin skulu láta í té upplýsingar um eftirfarandi kennistærðir með vísan í viðkomandi staðal eða lýsandi texta og athugasemdum ef þarf

1. Rásafyrirkomulag,
2. Mótun/notuð bandbreidd
3. Stefna/aðskilnaður,
4. Sendiafl/aflþéttni,
5. Reglur um aðgang og notkun rása
6. Fyrirkomulag við leyfisveitingar,
7. Frekari grunnkröfur skv. 3. mgr. 3. gr. tilskipunar 1999/5/EB,
8. Forsendur tíðniskipulags.

*II. VIÐAUKI***Snið upplýsinga um afnotaréttindi**

Heimilt er að takmarka upplýsingar um afnotarétt við tíðnisvið sem notuð eru til að veita rafræna fjarskiptaþjónustu sem heimilt er að eiga viðskipti með í samræmi við 3. mgr. 9. gr. í tilskipun 2002/21/EB eða sem er veitt með valaðferðum sem byggjast á samkeppni eða samanburði samkvæmt tilskipun 2002/20/EB.

Að því er varðar viðkomandi tíðnisvið skulu aðildarríkin leggja fram eftirfarandi upplýsingar í samræmi við kröfur tilskipunar 95/46/EB og tilskipunar 2002/58/EB og reglur Bandalagsins og innlendar reglur um viðskiptaleynd:

1. auðkenni réttthafa fjarskiptatíðni,
2. lokadagsetning réttindanna eða, þar sem hún er ekki til staðar, áætlaður gildistími,
3. landfræðilegt gildissvæði réttindanna með því að leggja í það minnsta fram upplýsingar um hvort réttindin séu staðbundin (þ.e. við eina stöð), svæðisbundin eða landsbundin,
4. tilgreiningu á því hvort heimilt sé að eiga viðskipti með réttindin.